



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Exerc. 1. De Cœlestis Beatitudinis Magnitudine.

urn:nbn:de:hbz:466:1-45396

EXERCITIORUM

PARS XIII.

Erga Cælestem Beatitudinem.

EXERCITIUM I.

De Cælestis Beatitudinis Magnitudine.

1. **S**tatue te in Cælo præsentem, & intra in locum tabernaculi admirabilis, in domum Dei, in voce exultationis & confessionis: sonus epulantis cælestem Beatitudinem.

2. Indaga, & exquire magnitudinem cælestis beatitudinis: quàm, sicut multa, eaque magna, ac planè maxima bona constituunt, ita etiam eandem ostendunt.

1. Constituit, atque etiam ostendit magnitudinem cælestis beatitudinis, absentia & exclusio omnis penitùs mali, & molesti, & metuendi. *Non est enim ibi, neque mors, neque luctus, neque Apoc. 21. 4.* dolor: quoniam transeunt hæc omnia ante beatitudinem, & non intrant in eam: siquidem Deus *abstergit omnem lachrymam, quin & lachrymarum Apoc. 21. 4.* memoriam: nisi in quantum earum meminisse, confert ipsi Beatitudinis.

2. Constituit atque ostendit magnitudinem cælestis beatitudinis, præsentia, & possessio omnis penitùs boni, quodcunque beatitudinem decet.

Si

DRUR
SICKI
•: absce
n II
V
7

retribua
taberna
e mortis,
itas, vi
cum San
io Domi
eor, quia
nis à San
re, si non
s, da san
tabit vi
re, quan
calo, &
ergo dif
ec finis ut
upio cum
te cum
hæc uti
rtio ma
os habere
ergo tra
, & lu
este! pa
e nos citò
e illi ve
e vincula
& accin
m laudis
em adhu
des nostr
cui glo
XER.

Si quidem Effentia beatitudinis, atque natura, hoc exigit: atque in eo consistit, ut sit status omnium bonorum aggregatione perfectus. Habet ergo status ille omne bonum honestum: est enim honestissimus, & nullâ turpitudine inquinatus: sed per omnia summæ Rationis dictamina decorus: habet quoque status ille omne bonum jucundum, explens, imò & superans omnem sensum Animæ & Corporis beati, mentis & cordis, Intellectûs & Voluntatis, & memoriæ, & imaginatio- nis, gustu jucundissimæ, sanctissimæque simul vo- luptatis, absque ullo intercurso amaritudinis. Habet etiam status ille beatitudinis omne bonum utile: quatenus habet omne id quodcunque con- fert ad perfruendum illo statu, absque ullo impe- dimento: & absque omni eo quod beatitudinis gustui fructuique non conducit. Unde ibi locus merendi non est, tum quia status est, in quo statur, non pergitur; tum quia in merendo labor esse debet, cujus molestiam beatitudo non admittit.

3. Constituit, atque ostendit magnitudinem cælestis beatitudinis Deus ipse: quia ille est, qui beatitudine possidetur, & possidendo possiden- tem beatificat: ille est, quem beati facie ad faciem intuentur, intuendo eundem tenent, tenendo gaudent, gaudendo fruuntur, & beati sunt. Et quia Deo, majus nihil est in omni bono; ideo etiam beatitudine, quam constituit Deus, ut obje- ctum ejus, majus nihil est: adeo ut nec beatitudo ipsa, quantum ad hoc suum objectum, esse major possit, perinde ut etiam ipso Deo majus nihil esse potest: & uti Deus ipse major esse nullo modo in semetipso potest. Atque hoc illud est, quod ipse Deus, datâ fide adpromisit Abrahamæ, omnibusque ad

adejus fidem pertinentibus dicens: *Ego ero merces tua magna nimis, &c.* *Genes. 15. 1*

4. Constituit, atque ostendit magnitudinem cælestis beatitudinis, Verbum Incarnatum, Deus-Homo, Christus JESUS Dominus, Redemptor, Salvator, Glorificator noster. Hic constituit beatitudinem cælestem, & quatenus Deus, & quatenus Homo Deus. Humanitas enim ejus constituit beatitudinem quasi corporalem (sicut Divinitas spiritualem) hominum beatorum, in quibus, quantum ad corpora, consistit beatitudo præcipuè in Visione Humanitatis Christi Deificatæ, seu Verbo unitæ. Idem Deus homo, ostendit magnitudinem cælestis beatitudinis, quia propter illam nobis constituendam, promerendam, afferendam, conferendamque, Verbum Caro factum est, & habitavit in nobis: tantumque laborum, & sumptuum sanguineorum, & lethalium exhaustit: quod certè immensam quandam magnitudinem beatitudinis cælestis, argumento plusquam irrefragabili evincit.

5. Constituit & ostendit magnitudinem cælestis beatitudinis, præsentia Dei Matris: omniumque Beatorum, tam Angelorum, quàm Hominum in Cælo: quorum omnium, & pulchritudo, & multitudo; statusque beatitudinis, & gloriæ, admirabilem, & prorsùs (nisi ab ipsis beatis) incogitabilem, efficit magnitudinem cælestis beatitudinis. Unius quidem DEI Matris beatifica gloria, tanta est, quanta ex eo conjici potest, quòd post Filium suum Deum hominem, peculiarem, & omnibus beatis, beatorumque choris eminentiorem gloriæ chorum, seu Hierarchiæ ordinem constituat. Cui accedunt omnes reliqui beati,

V. P. Druzb. Op. V. Cc quo-

quorum unus quisque refulget sicut Sol, in conspectu tam Dei, quam omnium aliorum Beatorum.

6. Eandem magnitudinem beatitudinis cælestis constituunt & ostendunt maximi Sanctorum omnium labores, ab eis in hac vitâ propter beatitudinem exantlati. Constituunt quidem illam, meritorie: quia tantorum laborum atque meritorum, & par, & major, (quia ultra condignum remuneratur suos Deus in cælo) debet esse præmiatio, hoc est, beatitudo: ostendunt autem ejusdem magnitudinem: quia nunquam tanta certamina proposuisset sanctis suis Deus in hac vitâ decertanda, nisi sua Divinâ liberalitate summè condigna, & omnibus certaminibus, longè ac longissimè etiam, majora, assignasset præmia.

7. Constituit atque ostendit magnitudinem cælestis beatitudinis hæc ipsa modò adductæ remunerationis magnitudo: cujus mensura, in immensum transcendit merita, laboresque Sanctorum in hac vitâ: luculenter asserente Aposto-

2. Cor. 4. 17. 10: *momentaneum, & leve tribulationis hujus, quod in præsentem est, immensum supra modum gloriae pondus operatur in nobis. Quod ipsum etiam Dominus JESUS attestatus est, cum dixit;*

Luc. 6. 38. *ram bonam, confertam, coagitatam, & supereffluentem dabunt in sinus vestros. Nimirum;*

Matth. 5. 12. *vestra copiosa est in Cælo.*

8. Constituit & ostendit magnitudinem Cælestis beatitudinis æternitas ejus. Nisi enim beatitudo illa æternitatem sibi conjunctam haberet de eâque beati nisi certi & securi essent, nec isti vere beati, neque illâ verè beatitudo esset: sed

qui

quia æterna est, idcirco verissima, plenissima, & omnium maxima beatitudo est. Talis est: qualis, etsi revera est; qualis tamen fit, nec oculus vidit, nec auris audivit, nec in cor hominis ascendit.

3. Magnitudinem cælestis beatitudinis adhuc indagare potes, secundum quadruplicem mensuram Sacræ Scripturæ usitatam, etiam dum de hac ipsa beatitudine sub figurâ Civitatis loquitur: cujus & longitudo, & altitudo, & latitudo, æqualia sunt.

Altitudo Beatitudinis, est suprema, quæ quidem esse potest. Nam attingit, imò complectitur, ipsummet (quantus quantus est) Deum, ejusque beatitudinem, & quidem sicuti est, & facie ad faciem. Itaque, eo bono, beatos suos, quo & semetipsum, beatificat Deus.

Latitudo Beatitudinis cælestis, in eo est sita: quod comprehendat omne Ens Intellectuale, in quo solo est capacitas beatitudinis veræ, & supremæ. Continet Deum Unitrinum, Deum Incarnatum, Dei Matrem, Angelos puros spiritûs, Homines Spiritu & Corpore constantes. In eo etiam sita est latitudo ejus: quia comprehendit in se omnem Ecclesiæ Dei gradum, & partem: prout modo dictum est. In eo etiam sita est latitudo beatitudinis cælestis, quia comprehendit, & adæquat, & excedit merita, in remunerando, omnium, & singulorum Beatorum, omnia, & singula etiam minutissima merita: etiam solum cogitata, solum animo concepta, & destinata. In eo etiam sita est latitudo ejus: quia in omnes, singulosque beatos, suâ quadam portione diffunditur: ita afficiens singulos, ut simul afficiat

Druck
Sick
II
V
7

omnes: ita verò omnes, ut simul etiam singulos: ita ut unius alicujus beatitudo, sit suo modo omnium: & omnium beatitudo, sit nihilominus singulorum.

Longitudo cælestis beatitudinis, sita est in comprehensione omnis durationis, qua durat, durabitque Oeconomia Dei, quæ est Ecclesia ejusdem, ex Angelis & hominibus constituta. Complectitur enim beatitudo cælestis sæcula omnia ab origine Mundi tam invisibilis, quam visibilis: adjunctâ etiam æternitate, cujus longitudinis non est finis, ac ideo etiam nec beatitudinis erit.

Profunditatem Beatitudinis cælestis, Sacra scriptura loco citato non commemorat: tum quia in commemoratis ibi à se fundamentis eam fortè supposuit: tum quia fortè in altitudine conclusit, profunditas enim & altitudo, solis terminis differunt, aliàs in eodem consistunt. Possumus tamen dicere, profunditatem beatitudinis cælestis, consistere in eo; quòd secundùm profundissimas, & investigabiles, incomprehensasque, Sapientiæ, Justitiæ, Misericordiæ, Veritatis, Charitatis, Voluntatisque vias, judicia, & ordinationes atque decreta, procuretur, & conferatur singulis quibusque Beatis. Hic licet cum Paulo exclamare; *O altitudo divitiarum, Sapientiæ, & Scientiæ Dei: quàm incomprehensibilia sunt judicia ejus, & investigabiles viæ ejus. Quis enim cognovit sensum Domini, aut quis Consiliarius ejus fuit?* Hoc dum omnes Beati, tum in seipsis, tum in aliis advertunt; in immensas, & simul sacri horroris, simul stupendæ admirationis, exultationisque demerguntur plenissimas
jubi-

Rom. II. 33.

jubilationes, exaltationes, gratiarum actiones, congratulationes, laudationes, satietates.

Tunc videbis, & afflues, & mirabitur, & dilatabitur cor tuum, ô quisquis mereberis in fortem devenire Beatorum. Tunc mirabimur, & stupescemus, nos esse beatitudine donatos, qui fuimus millies damnationis æternæ rei: tunc mirabimur salvos, beatosque esse, quorum salus apud nos fuit desperata: tunc mirabimur magnos, eximiosque coram Deo sanctos esse, qui nobis gregarii etiam justî non videbantur: tunc mirabimur, à Deo præmiari, minutissima, & vilissima facta, studiaque nostra. Tunc comprehendemus, quomodo non fuerint condignæ passionnes hujus temporis, ad illam gloriam, quæ per beatificationem revelabitur in nobis. Tunc justissimè dicemus admirantes, illud filiorum Israel, *Manhu? Manhu? quid est hoc?* quid hoc est, quod pro micis, minutiis, momentisque laborum nostrorum, pro Dei honore, tanta beatitudinis in nos effundantur à Deo profluvia? Tunc videbimus, fatebimur, & dicemus cum Psalmistâ; *Dominus diluvium inhabitare facit in Domo sua*, in cælesti domicilio. in qualibet Anima beatâ. Verè enim non stillicidiis, non torrentibus, non fontibus, non oceanis, sed ipsis diluviis suæ Magnificentiæ, inundabit Deus, omnes & singulos Beatos.

Isaie 50. 5.

Exod. 16. 15.

Psal. 22. 10.

Ergo Magna est, Magna, Magna nimis, cælestis beatitudinis Magnitudo, cui comparari nihil potest; quàm Deo, qui est illa beatitudo, conferri nihil potest.

Druck
Sicki
4802
n II
V
7

P R A X I S.

O Israel: quàm Magna, quàm spatiosa, quàm immensa est *Domus Dei nostri*! Cujus fundamenta *Montes Sancti*, cujus *Altitudo DEUS*, cujus *Longitudo æternitas*, cujus *Latitudo immensitas*, cujus *profundum incomprehensibilitas*? O Israel! quàm ingens est *locus habitationis Domini Dei nostri*, sive in quo ille habitat solus, soli sibi comprehensus, sive in quem introire facit, & in quo habitare jubet fratres, unius moris secum. O *Domus*, cujus *Magnitudo nescit mensuram*, non habet terminum, angustias ignorat, plenitudinem eam solam novit, quã implet omnes intrantes in *Gaudium Domini sui*. Sic enim illam implent inhabitantes in eâ, ut ipsi magis impleantur ab illa, & ideo semper plena est, & tamen adhuc locus est intraturis in ipsam. O *Jerusalem, Civitas Sancta, & Sanctorum*! O *Jerusalem Urbs Beata, & Beatorum*! O *Jerusalem Civitas gloriosa, & glorificatorum à Deo, & in Deo, & de Deo*. Ah! quàm beatus ego ero, si fuerint reliquie seminis mei, ad videndam claritatem tuam! cum ingressus portas tuas, confitebor Domino super omnes laudationes ejus: & magnificabitur *Anima mea vehementer, valde, nimis, super omnes dies vite mee, usque in omnes dies beatitudinis æternæ*.

EXERCITIUM II.

De Cælestis Beatitudinis Amore, & estimatione.

1. **S**Tatue te in *Cœlo præsentem, & intra in locum tabernaculi admirabilis, usque ad Domum*